

7.930.1

Q. D. B. V
RECTORE MAGNIFICENTISSIMO
SERENISSIMO PRINCIPE REGIO
FRIDERICO AVGVSTO
DE
ΑΥΛΗΤΑΙΣ
SIVE
TIBICINIBVS
IN FVNERE ADHIBITIS

AD
ILLVSTRANDVM MATTHAEI CAP. IX COMMA XXIII
PRO LOCO

In Amplissimo Sapientum Ordine sibi dato
disputabit

PRÆSES

M. IO. ZACHARIAS HILLIGER

CHEMNICENSIS

RESPONDENTE

GODOFREDO IASPIDE

CHEMNICENSI

Ad d. IX Febr. A. R. S. c 15 15 CC XVII

H. L. Q. C

WITEBERGÆ Typis CHRISTIANI SCHROEDERI Acad. Typ



58700(1)



x.i

SVMMA

Prooemium perstringit Iudaeorum ritus quosdam
publicos, in funere, usitatos

CAPUT I

De

Tibicinibus generatim

- § I De origine τοῦ αὐλητοῦ,
- § II significatione τοῦ αὐλοῦ, seu tibiae,
- § III huius diuersa materia,
- § IV forma uaria,
- § V Iubale, tiliarum primarum, harumque
concentus, inuentore,
- § VI Graecorum,
- § VII Syrorum, atque
- § IIX Romanorum, in arte tibias apte inflandi,
studio,
- § IX tiliarum usu, in bello, sacris, nuptiis,
aliisque conuentibus,
- § X speciatim in funere

CAPVT II

De

Origine Tibicinum in funere

- § I De initiis ritus,
- § II non Hebraeorum antiquorum propriis,
contra Chytraeum, Grotium, et Dough-
taeum, perperam affirmantes,

- § III horum argumentis, ex Ier. IX, 17, 2. Chron.
XXXV, 15, et Ps. IX, 7.
- § IV loco, ex Ier. XLIX, 36, minus probabili,
- § V gentibus, Dei ueri ignaris, solis ritus huius
- § VI Graecorum, (autoribus,
- § VII Romanorum, consuetudine, Tibicines ad-
hibendi in funere,
- § IIX non duntaxat minorum, ac infantum, con-
tra Lactantium, Nebrissensem, et Seruium,
- § IX nec plebeiorum, contra Passeratium,
- § X eius a Romanis, ad Iudaeos, propagatione.

CAPVT III

De

Rationibus, cur Tibicines in funere sint
adhibiti

- § I Huius ritus uariae percensentur,
- § II Theophylacti,
- § III Macrobiani, et Alexandri ab Alexandro,
- § IV Alexandri Aphrodisei, Pol. Vergilii, et Sexti
Empirici,
- § V Ambrosii, Schmidii, aliorumque.
- § VI Vera ritus causa in populi conuocatione,
demonstratur, (tare,
- § VII ὄχλον θεωρούμενον, non praeficas deno-
- § IIX rationibus fit planum. (promitur.
- § IX Germana ὄχλου θεωρούμενου, notio ex-
- § X Finitur Dissertatio.

PROOEMIUM



I quando unquam gens, in-
condendis hominum corpori-
bus, diuersis ritibus operam
dedit, Iudaica profecto horum
fuit perstudiosa. Quorum a-
lii funeris elationem antecede-
re, alii cum eadem coniungi, alii illam consequi,
consueuerunt. Antegredi solebat primo laceratio
vestium, ab adstantibus, simul ac aegrotus ani-
mam efflauerat, facta, (a) deinde lotio funeris,
cum oculorum, ac oris, forte hiantis, compressio-
ne, (b) tum unctio aromatibus instituta, quae, in
ipsius Seruatoris corpore, peragebatur, (c) postea
cura, de amiciendo, uel inuoluendo, mortuo, ne
nudus sub aspectum subiiceretur, cuius, pari mo-
do, in Christi, (d) Lazari, (e) aliorumque sepul-
tura, ratio est habita, porro, collocatio funeris in
certa domus parte, ad aliquot dies, ut uolenti-
bus funus inspicere aditus pateret, (f) postremo,
indictio per tibicines facta (g). Haec excipie-
bat

A 3

a) vide *Dissertationem me-* scell. Lib. 6. d) *cit. l.* e) *Iob.*
am A. 1716. editam. b) *Act.* XI, 44. v. *Dilherri Disput.*
IX. 37. exemplo Tabithae. v. *Acad. P. I. p. m. 449.* f) *Act. IX,*
Buxtorfi Synag. Iud. cap. 35. 37. g) *Matth. IX, 23.*
c) *Iob. XIX, 40.* v. *Fulleri Mi-*

bat ἐν *Θογὰ*, siue deductio funeris(h), quod comitabantur primo tibicines ipsi praeuendo, deinde praeficae, siue lamentatrices, naenias canentes, tum ad tibias(i) tum sine tibiis(k), postea, humeris feretrum gestantes, (l) porro, exequiatores, ac, inter eos, praesertim cognati et amici, (m) denique inferentes cadauer in sepulcrum, extra moenia plerumque constructum (n). Sepulturam consequiebantur funebris laudatio(o), coena feralis, a Romanis *silicernium* dicta(p), moerentium consolatio(q), epitaphia(r), frequens sepulcri aditus(s). In quibus edisserendis Io. Steph. Menochius(t), Io. Andr. Quenstedius(u), Mart. Geierus(x), et alii, antiquitatum Hebraicarum indagatores solertissimi, quamuis generatim tantum operae posuerint, ut nihil supra, attamen, cum in singulis speciatim Hebraeorum ritibus

h) *Luc. VII, 12.* i) *Mattb. 22. Hos. IX, 4.* v. *Fesseli Ad. IX, 23.* k) *2. Chron. XXXV,* uersaria S. q) *Gen. XXXVII, 25. Ier. IX, 16.* l) *Luc. VII, 14. 35. 1. Par. VIII, 22. Iob. XI, 31. Act. V, 6.* v. *Disput. Giesl. v. Mart. Geieri Tr. de Lutom. VI. Disp. XIII. p. 197. sqq.* ctu Ebraeorum C. 6. §. 23. m) *Luc. VII. 12.* n) *Gen. XXIII,* r) *Gen. XXXV, 20. 2. Sam. 19. Iob. XI, 30. 31.* o) *2. Sam. XVIII, 18. Luc. XI, 47, 48. Vid. I, 17. sqq. 2. Chron. XXXV, 25.* Sopranis David. Digress. 2. v. *Ioh. Stephan. Menochii f. 519.* s) *Iob. XI. 31.* t) *cit. l. Remp. Ebr. L. VIII. p. 778.* u) *in libro, de Sepultura uetep) 2. Sam. III, 35. Ezech. XXIV,* rum. x) *cit. l.*

ritibus, quatenus ad sepulturam spectant, laudatis modo uiris, pro instituti forma, hærere diutius, ac commorari, haud licuerit, nullus uitio dabit, si ritum quendam sacrum mihi explicandum sumam, et ΑΥΛΗΤΑΣ, siue TIBICINES, pompam funebrem praecedentes, in medium producens, non omnino nullis expediam difficultatibus oraculum, quod apud Matthaeum, c. IX, com. 23, hunc in modum legitur, Καὶ ἐλθὼν ὁ Ἰησοῦς εἰς τὴν οἰκίαν τοῦ ἀρχοντος, καὶ ἰδὼν τοὺς ΑΥΛΗΤΑΣ, καὶ τὸν ὄχλον θορυβούμενον. Interpretatio Latina Sebast. Schmidii ita habet: *Postea ueniens Iesus in domum principis, uidensque auleas, et populum tumultuantem, reliqua.* Id vero operam dabo, ut, tribus capitibus, res conficiatur, quorum primum, de *Tibicinibus* uniuerse, alterum de ipsorum in funere *origine*, tertium de *rationibus*, cur tibicines ibi sint adhibiti, commentabitur. Cui tractationi ut Deus O.M. propitius adsit, fortunetque conatus, pie ipsum obtestor.

CAPVT I

De

TIBICINIBVS generatim

§. I

DE αὐληταῖς, siue tibicinibus, ad Matthaei C. IX, com.

com. 23 pauca traditurus, in reliquis eiusdem uerbis non morabor explanandis, sed, quae de αὐλητοῦ uoce, intellectu difficillima, notanda erunt, proponam. Eam uero non minus, quam alias, uelut αὐλωτὸς, tibiis instructus, αὐλημα, carmen ad tibiarum sonum, Φίλαυλος, amans tibiarum cantus, ἀπὸ τοῦ αὐλοῦ duci, in uulgus notum est, (a) ut adeo αὐλητής, ratione ἑτυμολογίας, artificem, tibiis canentem, seu u-
tentem, designet.

§. II.

Αὐλὸς autem fuit instrumentum musicum, ab ἄω, flo, uel ἄω, clamo, ortum, quod inflatum edidit sonum, et, apud Athenaeum, cum aliis uocabulis coniungitur, ut, αὐλῶν βόμβος, tibiarum sonus, item, apud Lucianum, ἀρμόσασθαι τὸν αὐλὸν εἰς τὸ ἀκριβὲς, accurate debere aptari tibiis, ne aures affligat sonus, quem, pro diuersa organi materia atque forma, multis modis uariasse, scriptores testantur (b).

§. III.

Quod ad materiam τῶν αὐλῶν, multiplicem extitisse, Pollux (c) in his scriptum reliquit: ἡ δὲ ὕλη τῶν αὐλῶν κάλαμος, ἡ χαλκός, ἡ πύξ, ἡ λωτός, ἡ κέρας, ἡ ὀστὴν ἐλάφου, ἡ δάφνης τοῦ χαμαιζήλου κλάδος, τὴν ἐντεριώνην ἀφρημένον. i. e. materia tibiarum est calamus (d), aut aes (e), aut buxus (f), aut lotus (g), aut cornu (h),
aut

a) v. Pollucis Onomast. L. 4. VIII. p. 104. c) l.c. (d) Ex c. 9. b) v. Ioh. Rosini Antiqu. calamo, seu arundine, primum Roman. L. V. c. II. p. 466. Potibias esse fabricatas omnes, lyd. Vergilius Lib. I. de rerum Invent. c. XV. p. 54. Casp. Bartholinus, elegantissimo libelli ad. Lib. 17. (e) Mentio fit titulo, de tibiis Veterum, L. I. Cap. b) tibiis esse fabricatas omnes, autor est Plinius Natur. Hist. Lib. 16, c. 36, et Eustathius I-
b) tibiis esse fabricatas omnes, autor est Plinius Natur. Hist. Lib. 16, c. 36, et Eustathius I-

aut os cerui (i), aut lauri, bemi serpentis, ramus tener,
medulla exenta,

§ IV

Diuersam tibiaram rationem diuersis formis
metiendam esse, nullus facile negabit, nisi, qui tibi-
as simplices (k) et geminas (l), breues (m) et longas
(n), dextras et sinistras (o), pares et impares (p), a-
liasque complures, uocabulis profanis (q) distinctas,

B

igno-

chalco, et aliis aeris generi-
bus, apud Philostratum *Lib. II*,
de vita Apollinis, et Plinium di-
cto l. (f) Buxeas sacris dica-
tas memorat Statius, *Theb. Lib.*
5, v. 94.

--- cum sacra uocant, idaeaque
suadet buxus.

compositae, et ori admotae, si-
mul inflatae sunt, quarum fi-
guram oculis exposuit Bar-
tholinus p. 53. c. l. hinc Vir-
gilius, *Aeneid. Lib. 8, v. 618,*

*Dindyma, ubi assuetis biforem
dat tibia cantum.*

(g) Lotus, arbor, in Africa so-
lum natale habet, cuius ma-
teriae usus fuit in tibiis con-
ficiendis, ut est apud Festum,
et Plinium, qui ludicras eas
appellat. (h) Tibias has in-
flantes ceraulae antiquitus
sunt dicti. (i) Tibias gruum,
et asinorum, eidem inferuisse
instituto, Plinius, dicto l. et A-
thenaeus *Lib. 14, Dipnos. p. 617.*
memoriae prodiderunt. k) v.
Horatium *de arte Poet. v. 203.*

--- sed tenuis simplexque fo-
ramine pauco.

m) Pueris usitatae, ἡμίολοι, seu
semiplenae, uocantur, v. A-
thenaeus, *Lib. 14.* n) De his
Ovidius *Lib. VI, Fast. v. 698.*
canit,

*ut daret, effeci, tibia longa
sonos.*

o) Diverfae, uel a manu, qua
tenebantur, uel a sono, v. Bar-
tholinus c. l. p) Aut, ab ae-
quali, inaequaliue, spatio di-
stantibus foraminibus, aut a
uaria magnitudine, et soni
modulatione. v. Scaliger *Poet.*
Lib. I, cap. 20. et Rosinus *Anti-*
quit. Rom. Lib. V, cap. II. q)

haec a Graecis μόνανλ est
dicta. l) Quae ex duabus rhenicae, Mygdoniae, Ly-

ignorat. Vnde non potuit non sonus alius existere iucundus, alius raucus, stridulus, et inconditus, quod Pollux (r), Cassiodorus (s), alii, uberius exequuntur.

§ V

Quo uero concentus, in tot dissimilibus tibiis, dulcis aures compleret, artifices, quibus scienter tibiis cantandi peritia propria est, operam dederunt. At minime omnium a Graecis, aut Aegyptiis, aut Chaldaeis, fabricandi illa organa, iisdemque utendi, initia sunt profecta, sed, sine dubitatione, triepos Adami Iubal, artem illam suam fecit (t), quo uero casu (u), quauē occasione, certo nequit definiri. Quemadmodum autem ingenii humani natura hoc fert, ut inuentis rebus facile quid addere, et inchoata perficere possit, ita Aegyptios, Chaldaeos, Syros, Phryges, Graecos, Romanos, reliquas gentes, artificium tibiae, praecipua cum laude, adhiben-

diae, de quibus conf. Schac-
kelos uertit אֲבוֹבָה, id est,
cuius Myrotbec. 3, cap. 57, et Bar-
tholinus l. c. r) Onomast. Lib. fistulam, tibiam, ex calamo
4, c. 9. s) Lib. 2. Epist. 40. confectam. u) Qui, per uen-
Diserta leguntur uerba Gen. torum, uel auium, sibilos, aut
IV, 21. וְשֵׁם אָחִיו יוֹבָל הוּא וְשֵׁם אָבִי כָל-הַפֶּשַׁע כְּנֹר וְעוּגָבִי
Nomen uero fratris eius erat Iu-
bal, hic fuit pater omnis pul-
santis citharam, et organum.
ubi עוּגָב, uno interpretum
consensu, organum musicum,
πνευματικόν, fistulis constans,
quasi amabile, indicat. On-
kelos uertit אֲבוֹבָה, id est,
fistulam, tibiam, ex calamo
confectam. u) Qui, per uen-
torum, uel auium, sibilos, aut
corporum, ex aere atque fer-
ro, collisionem, Iubali, pri-
misque mortalium, occasio-
nem construendarum tibia-
rum oblatam putant, rem
probabilem, non certam, affe-
runt. conf. Mersennus, in
Comment. ad b. l. Genes., et A-
than. Kircherus Tom. II, Oedip.
P. II, p. 218.

hibendi, ac alias atque alias excogitandi, magnopere auxisse, habeo persuasum (x).

§ VI

Graeci nominatim hac canendi arte excelluerunt, ac summae eam sibi laudi duxerunt (y), non uiri tantum *αυληταί*, et *αυλητήρες*, ἀπὸ τοῦ *αυλοῦ*, nominati, sed etiam foeminae, quae *αυλητίδες* et *αυλητείδες* (z) appellabantur.

B 2

§ VII

x) Quantopere scriptores, fabulosae inprimis antiquitatis, constituendis tiliarum, apud homines, ueri Dei ignaros, architectis, a se discrepent, ut alii Mineruam, alii Mercurium, alii Marsyam, alii Olympum, alii, alios harum principes extitisse,asserant, me tacente, docent Salmasius, *Exercit. Plin.* p. 119, et Pol. Vergilius c. l. y) Cornelius Nepos in *Praefat.* ita exprimit, *Cum relatum legent, quis Musicam docuerit Epaminondam, aut, in eius uirtutibus commemorari, saltasse eum commode, scienterque tibiis canuisse,* et Aristoteles, *L. 8, de Rep. c. 6. p. 114, διὸ καὶ τὴν αὐλητικὴν, ἡ γὰρ πρὸς τὰς μαθήσεις.* καὶ γὰρ ἐν Δακεδαίμονι τίς χορηγός. αὐτὸς ἤυλησε τῷ χο-

ρῳ, καὶ περὶ Ἀθῆνας οὕτως ἐπεχωρίασεν, ὥστε χεῖρόν οἱ πολλοὶ τῶν ἐλευθέρων μετέχον αὐτῆς. i. e. Quare et artem, tiliarum inflandi, ad disciplinas numerarunt, Etenim Lacedaemoni quidam χορηγός (qui ludorum sumtus suppeditabat,) ipse inflauit choro tiliarum, et Athenis increbuit, ut fere plerique ingenui illa canerent. conf. Athenaeus *Lib. 4, Dinos. c. 25.* et Plutarchus in *Lib. de Musica, Herculem, Achillem, alios, praeclaros Musicos huius cultores collaudans.* z) Vnde Aristophanis Scholiastes, *αυλητεῖς δαρδανίς ἐκ τῶν δαρδανίας αὐλητείδες εὐδοκιμοῦσιν, tibicinae Dardanis, quia e Dardania Tibicinae commendantur.*

§ VII

Non minus Syros huic eidem studuisse rei, ex Iu-
uenale (a) patet, quos Syrus ille Matthaei enarrator,
 ܠܝܠܝܐܐ ܐܝܠܝܐ, uoce, uel instrumentis, cecinit, inter-
 pretatus est, ipsorumque mulieres, modorum tibia-
 lium eximie intelligentes, Ambubaias, ab ܐܡܒܘܒܝܐ, ti-
 bia, nominatas, uolunt erudiri, istud Horatianum car-
 men (b) explicantes,

*Ambubaiarum collegia, pharmacopolae,
 Mendici, mimae, balatrones, hoc genus omne
 Moeustum ac sollicitum est, cantoris morte Tigelli.*

§ IIX

De Romanis nemini dubium potest esse, quin tibi-
 cinum artem aestimarint magni, ut me docent scri-
 ptores Latini. Artificibus enim, si Ciceroni (c) et
 Ouidio (d) credendum, annumerarunt, ac collegium
 ex his instituerunt, (e) in quod Antigenides, Apuleio
 teste

a) Satyr. III. v. 62. Iam pridem Syrus in Tyberim defluxit Orontes, Et linguam, et mores, et cum tibicine chordas Obliquas, nec non gentilia tympana secum Vexit, et ad circum iussas pro- flare puellas.	nem, quoniam earum quoque artium homines ex eo procre- antur. d) Lib. VI, Fast. v. 657. sqq. Temporibus ueterum tibicinis usus aurorum, Magnus, et in magno sem- per honore fuit.
b) Lib. I, Serm. Satyr. 2. addatur Suetonius in Nerone cap. 27, c) Lib. 3, de natura Deorum ait: Concedam, non modo animan- tem, et sapientem, esse mundum, sed fidicinem etiam, et tibici-	e) Valerius Maximus Lib. II, cap. 5. scribit: tibicinum quo- que collegium solet, in foro, uulgi oculos in se conuertere, cum inter publicas priuatas- que ferias, actiones, personis te- cto capite, uariaque ueste, uelatis concentus edit.

teste (f), fuit cooptatus. Nec tibicinum modo, quasi tiliarum cantorum, ab organo, eiusque usu (g), uerum etiam aeneatorum, atque cornicinum (h), uocalis, nuncupati sunt.

§ IX

Quo praestantius autem musicorum illorum nomen, nec contemnenda ueteribus autoritas erat, eo maior ipsorum fuit opera in multis actibus, et tantum non necessaria. Cum primis eorum ministerio in bello, ad animos praeliantium excitandos (i), usi sunt, referente Polybio (k), et Athenaeo (l),

B 3

pari-

f) *Lib. I, in Florid. Is, cum esset in Tibicinio apprime nobilis.* g) Tibicines, a tibia, nomen habere, recte uidentur Isidoro, *Orig. Lib. II, c. 20. p. m. 898.* Tibias appellatas putant, quod primum de ceruinis tibiis, cruribusque hinnulorum fierent, deinde, per abusum, ita coeptas uocari etiam, quae non de cruribus, ossibusque, essent. Hinc et tibicen, quasi tiliarum cantor. h) Pro diuersa tiliarum materia, quas modo ex aere, modo ex cornu, uti supra significauimus, confectas, inflant. i) Musicae vim neruose describit Seneca *Epist. 108.* Quidam ad magnificas uoces excitantur, et transeunt in affectum dicentium, alacres uultu, ac animo, nec aliter concitantur, quam solent, Phrygii tibicinis sono, semiuiri, et eximio furere. k) *Lib. 4, Histor. c. 20.* Οὐδὲ τοὺς παλαμους κρητῶν, καὶ λακεδαίμωνίων. αὐλῶν, καὶ ῥυθμῶν, εἰς τὴν πόλεμον, ἀντὶ σάλπιγγος, εἰκὴ νομισέον εἰσαγαγεῖν. Neque ueteres Cretenses, et Lacedaemonios, loco tubae, tibiae, et rhythmum, ad bellum, sine causa, usurpasse, est existimandum. l) *Lib. 14, Dipnos. c. 6.* Καὶ οἱ ἀνδρες ὅτατοι λακεδαμόνιοι μετ' αὐλῶν στρατεύονται, κρητὰς δὲ μετὰ λύρας, μετὰ δὲ συρίγγων, καὶ αὐλῶν λυδοὶ, ὡς ἡρόδοτος ἰσχυρεῖ. Fortissimi quidem Lacedaemonii cum tibia sub signis sunt: Cretenses cum lyra, cum fistulis, et tibiis Lydi, ut scribit Herodotus.

pariter, ac in triumphis ad pompam, et gaudia publice declaranda, cuius exemplum in uictore Duillio Florus (m) proponit. In sacris quoque, Deorum placandorum gratia, tibicines adhibebantur, quod ex Ouidio (n), Macrobio (o), Plauto (p), Statio (q), Rosinus (r), atque Bartholinus (s), pluribus persequuntur. In nuptialibus, ac epulis solennibus, laetitiisque aliis, et ludricis (t), ac seriis, quorum genera, hic percensere, mei non est instituti, arte sua, homines reddebant hilares, ut ex Nonno (u),

Vir-

m) Lib. 2, c. 2. Victor apud eri solebant. p) Aulul. Act. 2, Sc. 5.

Liparas, mersa, et fugata, hostium classe, primum illum maritimum egit triumphum. Cuius quod gaudium fuit? Cum Duillius Imperator, non contentus, unius diei triumpho, per uitam omnem, ubi a coena rediret, praeclucere funalia, praecinere, sibi tibias iussit, quasi quotidie triumpharet. n) Lib. II, Fast. v. 658.

Cantabat fanis., cantabat tibia ludis,

Cantabat moestis tibia funeribus.

o) Lib. 2, in Somn. Scip. c. 3, p. m. 122. Idea canere coelum, etiam Theologi comprobantes, sonos musicos, sacrificiis adhibuerunt, qui apud alios lyra, et cythara, apud nonnullos tibiis, aliisque Musices instrumentis, si-

At nunc tibi dabitur pinguior tibia.

q) Theb. Lib. V, v. 94.

-- cum sacra uocant, idaea-que suadet

Buxus.

r) in Antiquit. Rom. Lib. III, c. 31, p. m. 317. s) Lib. 2, c. 7, p. 189, seqq.

t) Quorsum comoediae, salutationes, ludi, et id genus alia, referuntur. v. Bartholinus, dicto l. pag. m. 213.

u) Dionys. Lib. 7,

Οἶδα μὲν, ὡς ἐρόεις πέλειται
γάμος, ἥχι λιγαίνει
πανιάδ' σύριγγος ὁμόθεος
ὅς αὐλὸς Ἀθῆνης.

Scio quidem, quod amabiles
sint nuptiae, ubi stridet

Panicae fistulae consonans
tibia Minervae.

Virgilio (x), Cicerone (y), Plauto (z), reliquis ; apparet.

§ X

Restat memorabilis maxime antiquitatis ritus, tibicines in funere adhibendi, cuius rationes, promissi mei haud immemor, ex instituto deinceps explicabo, oraculum secuturus diuini historici, Matthaei, qui, laudato supra loco, τοὺς ἀνλητὰς in aedibus Iairi, filiae suae exequias parantis, ante oculos constituit, cuius uero gentis, num Hebraeae, an alius, more, mox disquiram.

CAPVT II

De

ORIGINE TIBICINVM IN FVNERE

§ I

Quemadmodum in cerimoniarum, quae diuinitus sunt hominibus iniunctae, non sine Christi adumbratione, origine indaganda adeo inter se diffident antiquitatum magistri, ut Io. Marshamus (a), cum

x) Aeneid. L. XI. v. 736:

At non in Venerem segnes, nocturnaue bella,

Aut, ubi curua choros indixit tibia Bacchi,

Exspectare dapes, et plenae pocula mensae;

Hic amor, hoc studium.

y) Tuscul. Quaest. l. 4. Grauissimus autor in originibus dixit

Cato, morem apud maiores hunc epularum fuisse, ut deinceps, qui

accubarent, canerent ad tibiam, clarorum uirorum laudes atque uirtutes. conf. Macrobius Saturn. Lib. 3, c. 16. z) Aulul. Act. 2, Sc. 6.

- STA. Quid uis? STR. hos ut accipias cocos, Tibicinamque, obsoniumque in nuptias.

a) In Canone Chronico, Aegyptiaco, Ebraico, Graeco, ad sepulcrum IX. p. m. 189. plane sunt

cum Io. Spencero (b), ipsam praeputii amputationem, lauationem sacram, templum, sacerdotium, sacrificia, ac alia cultus exterioris capita, ab Aegyptiis profane arcessat, his uero Herm. Witsius(c), perinde ac Mart. Geierus, et Abr. Calouius, ceteri, firmis rationum momentis, obnitantur, ita in aliarum Iudaicae gentis consuetudinum, quae religionem haud tangunt, initiis scrutandis, contrarias in partes mire distrahuntur. Exemplo est Matthaei locus, c. IX, com. 23, ubi de Iairi filiola, paulo ante mortua, sermo est, quae, praesentibus iam tibicinibus, efferenda erat, quantis non ritus hic difficultatibus implicatur! cum alii eum ab Hebraeis, alii a gentibus, Dei ueri cognitione haud imbutis, alii aliunde, sumant.

§ II

Eorum, qui, ab antiquissimorum moribus Hebraeorum, consuetudinem tibicinibus, in funere, utendi dimanasse, contendunt, praecipui sunt Dau. Chytraeus(d), Hugo Grotius(e), Io. Doughtaeus(f), alii,

gulari hanc prodit sententia aeterna, p. 95. Mos, ait, titiam, Aegyptii, ut πολιτεία, ita tibis, et lugubribus cantilenis musicis, et Religione gentes ceteras praeficiis desendi mortuos, a Iudaeis cesserunt: eorum ritus, ad alios ad ethnicos etiam deriuatus est. populos translati, etiam ab Ebraeis, non sine emendatione, e) in Annot. ad Evang. Matth. C. IX, 23. Puto etiam falli, qui forsitan, usurpati sunt. b) in a profanis gentibus, morem hunc Libro, de Legibus Hebraeorum ad Hebraeos putant deductum. ritualibus Lib. 3. sparsim. c) in Recte enim ab aliis demonstreruditissimo opere, de Aegyptum est, extare in antiquissimis ptiacorum cum Hebraeis collatio. Hebraeorum scriptis, eius moris ne. d) in Lib. I, de morte et uestigia, sicut et praeficarum

uideatur, uerbis tamen diligentius perpensis, non tibicinibus, sed lamentatricibus, seu praeficis, locum ibi relinqui, facillime est iudicatu (n).

§ IV

Quod si ex Ierem. XLVIII, 36, (o) Geiero iudice, uestigium tibicinum lugubrium, uiri, quos modo nominaui, ostendissent, speciosa quidem magis fuisset interpretatio, cum תללים *tibiarum* manifesto fiat mentio, nec tamen uicissent, quod, lugubres illas fuisse, Sa et Maldonati coniectura, ut credam, cum Geiero, mihi imperare non possum.

§ V

Assentior potius iis, qui, tibiis canendi morem, hunc, a gentibus, sigillatim Phrygibus atque Lydiis, ad Hebraeos profectum, asseuerant, nominatim Ambrosio (p), ex doctoribus antiqui coetus Christiani, Mart. Chemnitio (q), Abr. Sculteto (r), Io. Steph. Menochio

rituum Hebr. in funere, II. 12, p.m. 479, dicit: *Non omitam, posse huic ritui aptari, quod apud Regium Psalterem habetur, de magnatibus huius seculi, perit memoria eorum cum sonitu Psal. IX, 7. sed, accuratiori interpunctione, in ultima uoce תמה uerba ita sunt uertenda: אבר זכרם תמה* perit, memoria eorum ipsorum, quo argumentum Sopranis statim labefactatur.

n) Quod Schickardus ipse, qui initio horum patrocini-

um suscepisse uidetur, tandem loco dicto cognoscit: *at hoc uoce praestabant, non organis.* o) Verba ita leguntur, על-כן לבי למואב כחללים יהמרה ולבי אר-אנשי קיר-חרש כחללים יהמה: *Propterea cor meum super Moabo, sicut tibiae, obscurum murmur edit, et cor meum, ob incolas Kirheres, quasi tibiae, perstrepit.* p) Lib. IV, in Cap. 8, Lucae. q) P. III, Exam. Conc. Trid. p. 88, et Harmon. Euang.

nochio (s) Io. Mich. Dilherro (t), Henr. Kippingio (u) VVilh. Schickardo (x), Mart. Geiero (y), Casp. Bartholino (z), qui Plutarchi (a), Nonni (b), Statii (c), reliquorum, autoritate, non temere utuntur.

§ VI

Graeci suos hos tales tibicines αὐλητάς (d), τυμβάου-

C 2

λους

Vol. I. f. 1278. r) Exercit. Eu- μουσικῆς ἐπὶ τῷ Πύθωνι Φύσιν
ang. L. II, c. 55. s) de Rep. ἐπικηδεῖον αὐλῆσαι λυδίσι. i. e.
Hebr. L. 8, c. 5. p. 773. t) Diss. Quare Plato III. de rep. libro ui-
Acad. T. I. p. m. 197. u) An- tuperat banc Muscam. Lydi-
tiquit. Rom. L. IV, c. 6, p. 525. am quidem harmoniam repu-
x) cit. l. p. 418. ubi recte iudi- diat, quia stridula, et lamentis
cat, An etiam Siticines ueteres accomodata, unde, et primam
Hebrasi adhibuerint, equidem eius institutionem lugubrem fu-
ignoro, inquisiui curiose, sed isse, dicunt. Nam Aristoxenus
non dum reperi ullum eius uesti- scribit, in primo de Musica libro,
gium. Quid ergo sibi uult tu- Olympum de morte Pythonis lu-
multus auletarum, in Euangeli- gubre carmen tibiis cecinisse,
ca historia, Matth. IX, 23, apud Lydio modo. b Dionys. Lib. 49.
filiolam primatis exanimem. Vi- Καὶ Κλεόχου Βεβέκυθες ὑπὸ
dentur hoc a gentibus, quarum σόμα δίζυγες αὐλοὶ
sub potestate fuerant, didicisse. Φρικτὸν ἐμυκήσαντο Λιβὴν
y) cit. l. z) c. l. a) Lib. III, γόν, i. e.
de Musica p. m. 1136, ταιγάροι Et Cleochi Berecynthæ sub
Πλάτων ἐν τῷ τρίτῳ τῆς πο ore geminae tibiae,
λιτείας δυσχεραίνει, τῇ τοιαύτῃ Horribilem mugiebant Liby-
μουσικῇ. τὴν γοῦν λυδίον, ἀρ- cum luctum.
μονίαν παρατεῖται, ἐπεὶ ὁξεία c) Lib. VI, Theb. V. 122.
καὶ ἐπιτήδειον πρὸς θρήνον Tibia, cui teneros suctum de-
ἦ καὶ τὴν πρώτην σύσασιν αὐ- ducere manes,
τῆς Φασί θρηνώδη τινὰ γι- Lege Phrygium moesta.
σέσθαι. Ὀλυμπον γὰρ πρῶτον d) Tibiarum in funere cari-
ἀριστόξειον, ἐν τῷ πρῶτῳ τῆς tores, speciatim a Graecis,

λας (e), αοιδούς θρήνον ἐξάρχους (f), *siticines*, *lamentationes auspicantes*, item σοφισὰς θρήνων (g), *artifices luctus callidos*, dictos, usurparunt, id quod ex Homero (h) imprimis edoceor, illosque tibias funebres, quas inflarunt, alia plane, ac reliquas, forma, uide licet latiore longioreque, grauioris et tristioris sonitus causa, insigniuisse, Galenus (i), Aristoteles (k), atque Pollux (l), animaduenterunt.

§ VII

dici αὐλητὰς, patet ex Dionis Chrysostomi *Orat.* 49. p. m. 539, in qua haec refert, ἔφη δὲ τις τῶν ὀλιγωπρότερον φιλοσόφων οὐ φάυλων, τὸν Ἰσμενον τοῦτο μάλιστα ἀγανακτεῖν, τὸ καλεῖσθαι αὐλητὰς τοὺς τυμβάυλας. οὐ παντελῶς. οἷον δ' ἐν ἑμοὶ δοκεῖ, οὐ γὰρ βλάπτουσιν οὐδὲν οἱ τυμβάυλαι τοὺς νεκροὺς οὐδ' ἐνοχλοῦσι. h. e. *Dixit autem, ante haec tempora Philosophorum quidam non malus, Ismeniam ob hoc maxime indignari solitum, quod Siticines appellarentur tibi-cines, at nequaquam res est indignatione digna, ut mihi quidem uidetur, nihil enim mortuis detrimenti afferunt Siticines, neque illis sunt molesti.* e) τυμβάυλης dicitur, ὁ ἐπὶ τύμβῳ μέλη αὐλῶν, qui apud bustum tibiis canere solet, qualis Eumenis pater, apud Aelianum

Var. Hist. Lib. XII, c. 43, p. m. 227.

creditur. f) in Homeri *Iliad.* 24, v. 725, ubi per αοιδούς omnes interpretes, ex Graecorum more, τοὺς αὐλητὰς funebres innui, contendunt.

g) Lucianus, περὶ πένθους ita appellat, qui, ἐθρήνουν, καὶ πένθιμόν τι ὑπήνουν, *lamentabantur*, (solum ex more) et lugubre quoddam tibiis succinebant. h) *cit. l.* Hectoris

cadaveri, in urbem allato, adfuisse αοιδούς, *siticines*, a lamentatricibus distinctos, memorat,

----- τὸν μὲν ἔπειτα
Τρητοῖς ἐν λεχέεσσι θέσαν,
παρὰ δ' εἶσαν αοιδούς
θρήνων ἐξάρχους, οἷτε σονό-
εσσαν αοιδὴν,
οἱ μὲν ἄρ' ἐθρήνεον, ἐπὶ δὲ
ἑνάρχοντο γυναῖκες.

h. e.

----- bunc autem deinde

A Graecis mox Romani, cum illis misti commerciiis, accepto ritu sic affueverunt, ut tibiae istis non solum certa, siticini uidelicet (m), ac monumenta-

*Penfibus in lectis posuerunt,
iuxtaque collocarunt siti
cines,*

*Luctus principes, bi flebile
carmen,*

*Hi quidem lamentabantur,
insuperque gemebant
mulieres.*

i) *Lib. III, de Symptom. caus.*
T. III, quando flatus, in
uentre inferiore ortos, iis-
dem comparat, βομβώδης
δ' εἰσὶν ἑτέροι, τοῖς ἐξ' εὐρυτά-
των αὐλῶν εἰκότες, ὁποῖους ἔ-
χουσιν οἱ τυμβάου λαλούμε-
νοι. διὰ μὲν τὴν ὕλην δ' εἰς γε-
γόνασιν, οὐ δυναμένους ἡχεῖν
καθαρόν. διὰ δὲ τὴν εὐρύτητα
τὴν τοῦ πνεύματος ὁδοῦ βα-
ρύτερα φθεγγομένους. h. e.
*Alii uero sunt bombosi, bombis
latissimarum tibiaram non absi-
miles, quales habere solent ii,
qui τυμβάου (siticines) no-
minantur, quae ob materiam,
ex qua constant, purum sonum
reddere non possunt, et uiae,
qua spiritus transit, latitudo so-
num efficit grauiorem.* k) *Lib.*

IV, de generat. animal. p. m.
232, τὸ γὰρ θερμὸν πνεῦμα,
διὰ παχύτητα ποιεῖ βαρυφω-
νίαν, τὸ δὲ ψυχρὸν, διὰ λεπτό-
τητα τουναυτίον. δῆλον δὲ τοῦ-
το καὶ ἐπὶ τῶν αὐλῶν. οἱ γὰρ
θερμοτέρῳ τῷ πνεύματι χρώ-
μενοι, καὶ τοιοῦτον ποιοῦμενοι,
οἷόν οἱ αἰάζοντες, βαρύτερόν
αὐλοῦσι. i. e. *Spiritus enim
calidus, crassitudine sua graui-
tatem efficit uocis, frigidas prae
sua tenuitate contrarium facit,
quod uel in tibiis patet. Qui
enim calido utuntur spiritu, et
talem emittunt, qualem siticines,
et lamentantes, grauiorem so-
num inspirant tibiis.* l) Qui,
discriminis causa, addit in O-
nomast. αὐλὸν πένθιμον, θρη-
νητικόν. conf. Magii *Miscellan.*
Lib. I, c. 13. m) Cogno-
minis huius rationem osten-
dit Gellius *Lib. XX, c. 11,*
*Nos autem in Capironis Atteii
coniectaneis inuenimus, siticines
appellatos, qui apud sitos canere
soliti essent, hoc est, uita fun-
ctos, et sepultos, eosque habuiss-*

mentariorum ceraularum (n) nomina imposuerint, uerum etiam officium ipsorum, ad exequias principum, magnorumque uirorum, et aliorum, cohonestandas, deposcerint, ac, inter eos, scriptores, praefertim Cicero(o), Suetonius(p), Xiphilinus(q), Seneca(r), T. Petronius(s), alii, collaudarint. Eo autem, luxuria temporum, excreuit tibicinum numerus, ut, ne iusta persoluentibus grauis esset, plures, quam decem, in funere, haud permitterent decemuii(t), immo, multi morientes corpora sua, tibi-
 arum cantu, uetuerint efferri(u).

§ VIII

se propriam genus tubae, qua- ius pompae funebri interfu-
canerent, a ceterorum tibicinum isse, refert. q) *in uita Seueri,*
proprietate differens, quos Sici- ubi, in exequiis Pertinacis, ti-
nistas uulgus dicit, qui rectius bicinum meminit, Οἱ μὲν οὖν
locuti sunt, Sicinnistas litera N ἄλλοι, πρὸ τῆς κλίνης προήκειμεν,
geminata dixerunt. n) Quos καὶ τίνες ἐκόπτοντο, ἑτέρων πέν-
inter tibicines numerari, An- Σιμόν τι ὑπαυλοῦντων. Pars igitur
tigenides, apud Apuleium, Flo- nostrorum lectum anteibat,
rid. Lib. I, maxime indignatur: et quidam plangebant, aliis fle-
Is, (Antigenides) igitur, cum bile carmen ad tibias canentibus.
esset in tibicinio apprime nobilis, r) *in ludo, de morte Claudii Cae-*
nihil se aequae laborare, et ani- saris, p.m. 821, tibicines fune-
mo angi, et mente, dicebat, quam bres sic affert, Et erat omnium
quod monumentarii cerauale formosissimum, et impensa cura
tibicines dicebantur. o) *Lib. II, plenum, ut scires, Deum efferri,*
de Leg. antiquum fuisse mo- tibicinum, cornicinum, omnis-
rem affirmat, cum ait, Hono- que generis aeneatorum, tanta
ratorum uirorum laudes, in turba, tantus conuentus, ut etiam
concione, memorantor, easque Claudius audire posset. s) *Se-*
etiam ad cantus, ad tibicinem, tyr. v. 269, p.m. 86. ubi mori-
prosequuntor. p) *in uita C. Iu-* turo suadet, ut ad tibicines,
lii Caesaris, c. 34, tibicines hu- pompae funebri initium fa-

§ VIII

Non tantum uero lugubrium tibiatarum, ab aliis distinctarum (x), sonus, in minorum, aut infantum, ex mente Lactantii (y), Anton. Nebrissenfis (z), Ser-

uii

sientes, mittat, cum de ipso actum esset. t) Quod constat ex fragmento XII. Tabul. in Ciceronis L. II, de Leg. Sum- rum minuito, tria si uolet rei- cinia, et uincula purpurae, et factam, habebant, ubi uero ti- decem tibicines adhibeto, hoc plus ne facito. quo respexisse re Graecorum, aequae ac Ro- uidetur Ouidius Lib. 6, Fast. v. 660, seqq.

*Cantabat fanis, cantabat ti-
bia ludis,*

*Cantabat moestis tibia fu-
neribus.*

*Adde, quod aedilis pompam,
qui funeris irent,
Artifices solos iusserat esse
decem.*

u) Aemilius Lepidus, ut ex Alexandro ab Alexandro, Lib. III, Gen. Dierum c. 3, p. m. 129, cognoscere licet, decedens praecepit filiis, ut sine linteis, sine purpura, et tibicine funus sibi facerent. De Augusti Caesaris funere Dio Cassius Lib. 96, haec com- memorat, ὅδε δὲ τὴν τριβέριν, καὶ ὁ θεοῦς αὐτοῦ,

φαγὰν τὸν ἀγοραῖον τρίπον πε-
ποινημένον εἶχον, πῶ δὲ αὐλητῇ
οὐκ ἐχρήσαντο. i. e. Hic sane
Tiberius atque Drusus filius e-
ius, fustam uestem, uili more
factam, habebant, ubi uero ti-
decem tibicines adhibeto, hoc
manorum, communi, et ma-
teria, et forma, a reliquis dif-
crepabant, ut ex Statio Theb.
Lib. 6, v. 120, apparet.

Cum signum lucius cornu gra-
ue mugit adunco

Tibia.
ex Sedulio, Lib. III,
Funereosque modos cantu la-
crymante ferebant

*Tibicines, plangor que fre-
quens, confuderunt aedes.*
et ex Claudiano, de mptu Pro-
serp. Lib. III, v. 130,
Si baxos inflare uelim, fem-
le gemiscunt.

conf. Magium in Miscellan. Lib.
I. y, in notis ad Statii cit. l.
haec affert, Iubet religio, ut
maioribus mortuis tuba, mino-
ribus tibia caneretur. z) Quin-

uii(a), et aliorum, sed quorumcunque in exequiis, audiebatur. Quamquam enim doctores, quos modo excitaui, Statii (b) uerbis opinionem suam confirmare uelint, non tamen illud inde colligitur, eo-que minus, quo plura adulatorum exempla, ex §. superiore, constant.

§ IX

Nec tibicinibus in plebeiorum, submonente Ouidio(c), at tubicinibus in potentiorum funebribus, ad Propertium (d) animaduertente Passeratio (c), proprie locus est, quandoquidem et tubicines, testimoniis Virgilii (f), Persii (g), et Ouidii (h), et tibicines,

*quenn. c. 46, ad b. l. Tale apud nos, nam in funere ui-
rum, pulsantur campanae ma-
iores, in puerorum uero mino-
res. a) Lib. V, Aeneid. Virgilii,
cui cum Lactantio conuenit.
b) Lib. VII, Theb. v. 121. seqq.
ita canit,*

*Tibia, cui teneros suetum de-
ducere manes,*

*Lege Phrygum moesta. Pelopen-
monstrasse ferebant*

*Exequiale sacrum, carmen-
que minoribus umbris
Utile.*

*c) Lib. V, Trist. Eleg. I, v. 48,
Tibia funeribus conuenit ista
meis.*

*d) Lib. II, El. 12, v. 20.
Nec tuba sit fati uana quere-
la mei.*

et Lib. IV, Eleg. 12, v. 10.

*Sic moestae cecinere tubae,
quum subdita nostrum*

*Detraberet lecto fax ini-
mica caput.*

*e) in notis ad Propertii locum
fentit, tubam in funere locu-
pletum, in pauperiorum, aut me-
diocrium, tibiam fuisse usita-
tam. f) Lib. XII, Aeneid. v. 192,
Palantis mortui apparatus
funebriis reperitur,*

*Spargitur et tellus lacrymis,
sparguntur et arma,*

*It coelo clamorque uirum,
clangorque tubarum.*

*At Lib. II, Aeneid. v. 313, tubam
bello uindicare uidetur poe-
ta, ubi sic canit,*

nes pompae funebri summorum uirorum operam dare, Io. Kirchmannus (i) et Hier. Magius (k) persuadent. In mentem hic Plutarchi uenit, qui historiam diuitis cuiusdam mortui, tibiis cohonestati (l), iucunde recitat, nec dissentit ab iis, quae supra de Caesaribus sum commentatus (m).

§ X

Postquam igitur, Romanos sepeliendis suis adhibere tibicines consueuisse, extra controuersiam posui, haud difficile est iudicatu, eundem ritum a Romanis, accepisse Iudaeos, quippe qui, in potestatem illorum, per Pompeium, redacti, peregrinam hanc consuetudinem, ut alia, ciuitate donarunt. Quapropter τοὺς αὐλητάς, siue *tibicines*, quos, Matthaei c. IX, com. 23, in aedibus Iairi (n), synagogae prin-

D

cipis

<i>Exoritur clamorque uirum,</i>	i) <i>Lib. II, de Fun. Roman, c. 4,</i>
<i>clangorque tubarum,</i>	<i>p. 137, seqq. k) Miscellan. Lib.</i>
<i>Arma amens capio, nec sat</i>	<i>II, c. 12. l) in Lib. de solertia</i>
<i>rationis in armis.</i>	<i>animalium, fabula de pica, ti-</i>
g) <i>Sat. III, v. 104. seqq. patri-</i>	<i>biarum funebrium sonos i-</i>
<i>cii sui funeri, inter alia, tubi-</i>	<i>mitante, legitur, quam uide</i>
<i>cinem simul adesse, refert,</i>	<i>translatam in Montacutii O-</i>
<i>Hinc tuba, candelae, tandem-</i>	<i>origin. Eccles. T. I, Lib. I, p. 107,</i>
<i>que beatulus alto</i>	<i>n. 171. m) Plura inuenies</i>
<i>Compositus lecto, crassisque</i>	<i>pud Kirchmannum, cit. l., et</i>
<i>lutatus amomis,</i>	<i>Bartholinum Lib II, c. 15, p. 187.</i>
<i>In portam rigidos calces ex-</i>	n) Iairum fuisse Iudaeum, ex
<i>tendit.</i>	addito munere, quo fundus
h) <i>in epist. Maedae ad Iasonem,</i>	est, elucet. uocatur enim a
<i>Tibiaque effundit socialia car-</i>	Matthaeo ἀρχων praefectus,
<i>mina nobis.</i>	a Luca expressius c. VIII, 41,
<i>At mihi funesta flebiliora</i>	ἀρχων τῆς συναγωγῆς, a Mar-
<i>tuba.</i>	co c. V, 38, uno uerbo ἀρχι-

cipis, mortuam suam filiolum lugentis, conspiciamus, ex Romanorum instituto apparuisse ibi, cum optimis interpretibus, animum induco, quem deinde morem et alii eiusdem gentis tenuerunt, ut ex Talmude (o), Maimonide (p), Fl. Iosepho (q), aliis, satis

συνάγωγος. Huius erat, ut sponsam, (exhilarandam) aut congressibus sacris, quibus ad mortuum. (plangendum) scriptura diuina, singulis diebus diuino cultui consecratis, praelegebatur et explicabatur, leuiioresque controuersiae componebantur, praeesset, atque curaret, ne quid detrimenti religio caperet, id quod nemini, nisi germano Iudaeo, poterat committi.

o) Chetubb. cap. 4, in Misna haec leguntur: אפילו עני שבישראל לא יפחות משני חלילים ומקוננר Etiam pauperrimus inter Israelitas non adhibebit pauciores, quam duas tibias, et unam foeminam lamentatricem, (in funere scilicet uxoris suae, in captiuitate mortuae.) Baua Mezia, cap. 6, ab initio in Misna, החמור ואת הקרר להביא פרייפרין וחלילין לכלה או: Qui conducit asinum, et aurigam ad adducendum ligna praestantia, et tibias ad

Sunt quaedam res, quibus utuntur ad luctum, et ad gaudium, sed non est par earum ratio, sic tibiae adhibentur in nuptiis, et in funeribus. Et in Schabbas cap. 23, bal. 4, עא שהביא הלילין בשבת לא יספור בהן ישראל: Si cultor idolorum (per quem Christianos intelligunt) afferat tibias in sabbato, non planget illis Israelita. conf. Io. Buxtorfi Lexicon Chald. Talmud p. חליל m. 766. p) in operum T. II, cap. 14, bal. 23, ubi priorem Talmudis locum ita מתה אשתו חייב בקבורתה ולעשות לה מספר וקינים כדרך כל המרינה.

tis constat. Nec adeo est, cur, cum Casp. Bartholino (r), Io. Nicolai (s), et Ad. Erdm. Miro (t), dubitem, utrum ab Hebraeis ad nationes, ueri Numinis notitia minus tinctas, an ab his ad illos fuerit traducta haec consuetudo.

CAPVT III

De

Rationibus, cur Tibicines in funere sint adhibiti

§ I

Tibicinum, qui agmen efferentium filiolarum Iairi ducere debebant, origine nunc perspecta, planeque cognita, paucis *rationes*, cur tum tibiis canentes admitterentur, inquiram, licet non ignorem, cum diuersis maxime sententiis mihi pugnandum esse.

D 2

§ II

וּפָּיְרוּ עָנִי שְׂבִישְׂרָאֵל לֹא יִפְחָתוּ לוֹ מִשְׁנֵי חֲלִילִין וּמִקֹּנָנָה. <i>Mortuam maritam tenetur maritus sepelire, et la- menta, atque luctus ei facere, secundum morem omnium regi- onum. Atque etiam pauperri- mus inter Israelitas praebebit ei non minus, quam duas tibias, et unam lamentatricem. q) Lib. III, de Bello Iud. cap. 15, p. 855, Iosephi, Ioppe capta, occisi funus, tibicinibus non caru- isse, scribit, τὸν Ἰόσηπον δὲ</i>	<i>πάντες, ὡς ἐπὶ τριακοστὴν μὲν ἡμέρας μὴ διαλιπεῖν τὰς ὁλο- φύσεις ἐν τῇ πόλει. Πλεί- στους δὲ μιθούσθαι τοὺς αὐλη- τὰς, οἱ θρήνων ἐξήρχον αὐτοῖς. h. e. Iosephum uero uniuersi, adeo, ut per dies 30 nunquam lamenta in ciuitate cessarent, magnaque mercede conducerent tibicines, qui luctus et nenia- rum modos ipsis praeirent. r) dicto l. s) libro de luctu Grae- corum Cap. IX, p. 102, t) Bibl. Antiquit. Lex. p. 900.</i>
---	---

§ II

Theophylactus (a), propterea, quod puellae im-
puberis, cum uiueret, nuptias, musici illi cohone-
stare non potuerunt, eos mortuae honorem hunc
habuisse, existimat, ratione quidem, pro eo, ac recte
Casaubono (b) uidetur, inani ac superuacanea, quam
ea, quae, superiori sectione, de communi ritu, ad cun-
ctos, adeoque nuptas, innuptasue, pertinente, dicta
sunt, facile refellunt.

§ III

Macrobius (c), et Alexander ab Alexandro (d),
fundamentum illius moris in dulcedine Musices
ponunt, quasi, corpore extincto, anima in coelum,
unde orta sit, sic rediret, eoque ad philosophos, in-
primis e schola Platonis, qui, de concentu Musico
sphaerarum coelestium, mira commenti sunt, temere
respexisse uidentur. (e)

§ IV

a) in notis ad h. l. ἐπειδὴ ἄ- cto igitur constricto purpura aut
γαυρὴν μετὰ τῶν γαμικῶν lintheis splendentibus, et in eo de-
αὐλῶν ἐθῆνον, h. e. quia non functi corpore locato, post ulti-
dum nupta erat, deslebant etiam mam conclamationem, tibicine
nuptialibus tibiis. b) in Exer- praecedente, qui neniā fune-
cit. ad h. l. c) in Somn. Scip. brem, qui laudes defuncti, et
Lib. II, cap. 3, p. 121, ita loqui- facta, recensēbat, tum pudorem,
tur, Mortuos quoque ad sepul- integritatem et fidem, non salta-
turam prosequi oportere cum bundus, ut olim, sed stans Phry-
cantu, plurimarum gentium, gio modulo caneret, funus prae-
uel regionum, instituta sanxe- cedebat. Is enim modus erat ad
runt, persuasionē hac, qua post moerorem accommodatior, quod
corpus animae ad originem dul- ideo institutum ferunt, quasi in
sedinis Musicae, i. e. ad coelum, illas aeternas amoenitates, ac
redire creduntur. d) Lib. III, in sedes et consilia piorum post
Gen. Dierum cap. 7, p. 129. Le- funera recepti uideantur. e)

§ IV

Nihilo grauior est causa, qua Alexander Aphrodisaeus (f), Polyd. Vergilius (g), et Sextus Empiricus (h), utuntur, rati, id genus tibiaram ad animos, qui desiderio suorum atque dolore sunt deiecti, excitandos, tantummodo spectare, cum perpendere ipsos oportuisset, ex harum tibiaram forma iuxta, ac materia, quarum altera latior, altera crassior deprehendebatur, non purum atque iucundum, sed grauem et tristem sonum, et ex hoc, ad aures perueniente, animorum motum magis ad tristitiam, quam ad laetitiam, existere (i).

§ V

Omniū optime sentiunt Ambrosius (k), Erasmus

D 3

Schmi-

conf. Barth. Meieri *Philol. S. P. I, Cap. 6, p. 226.* f) *Lib. I, Probl. 28.* g) *Lib. VI, c. 10, de rerum Inuent. p. m. 444, ait, in funeribus tibiae quoque ac tympana adhibebantur, et ea omnia, ut hominum, mortuos lugentium animi languentes, eiusmodi sono excitati, minus dolorem sentirent, qui illis oblectamenti facile distrahi soleant.* h) *Lib. VI, adu. Mathemat. Unde etiam lugentibus modos canunt tibiae, quae iis luctum leniant.* i) A tibiis enim laetitiae signum dantibus ueteres, suorum obitum lamentantes, abstinuisse, ex Euripide in *Alceſt.* intelligitur,

Αυλῶν δὲ μὴ κατ' ἄστυ, μὴ
λύρα κτύπῃ

Ἔσω, σελήνας δώδεκ' ἐκπλη-
ρομένας,

Οὐ γὰρ τιν' ἄλλον φίλτερον
θάψω νεκρόν.

Tibiaram uero ne per urbem,
neque lyrae strepitus

Sit duodecim integris mensi-
bus,

Non enim ullum aliud charius
cadauer sepeliam.

k) *Comment. ad b. l. Tibicines in funere conducti, triste modulantes carmen, et nenias, amicis et uicinis, luctum et lacrymas, cie- bant, ob mortem defuncti, idque faciebant, non tantum uiri, sed et foeminae lamentatrices.*

Schmidius (l), Paschasius Ratbertus (m), alii, qui, maxime tibi-
cinum arte lugubri, animos torpentes ad lamenta, per rau-
cum illum tristemque tibiaram ac neniarum cantum,
commoueri, arbitrantur, eo tamen falluntur, quod, uel sine
illis, homines, ad amici, aut necessarii, aut uicini, mortem
deplorandam, naturali impelluntur instinctu.

§ VI

Non errare mihi omnino uideor, si potissimam (n), ac
ualde probabilem, ritus nostri rationem, ab hodierno
campanarum usu repetam, dicamque, tantum illum huic re-
spondere, quantum unus utriusque fere est effectus. Quem-
admodum enim, apud nos, campanarum sonitu, exciti ho-
mines, ad funeris deductionem concurrunt, idque animis,
ad tristitiam compositis, monumentum uersus, prosequun-
tur, ita tum, lugubrium tibiaram cantu, quo aedes mortui
personabant, exequiatores, et alii spectatores in luctum
uocabantur, et quasi conuocabantur. Quod haud obscu-
re Matthaeus indicat, ubi cum τοῖς ἀνληταῖς, id est, tibi-
cibus, statim τὸν ὄχλον θορυβούμενον, *populum tumultuantem*,
siue, ut Beza uertit, *frequentem, et ad funeris pompam concur-
rentem*, coniungit, ac ita accipi uelle uidetur, ut credam,
primos, in domo Iairi, conuenisse tibicines, mox, edito ab
his signo, turmatim eo alios confluisse.

§ VII

Contra ea Chemnitius (o), Bartholinus (p), reliqui, τὸν
ὄχλον θορυβούμενον, ad praeficas (q) deplorandi, et laudandi
mor-

l) in Declaratione N. T. ad h. l. p. 171, 135, in iisque hanc, quod forte
Erant olim Iudaeis, maxime circa spectra huiusmodi cantibus uolu-
tempora Christi, in luctu funebri, ti- erint abigere, et in Schickardo, di-
bicines in usu, qui μοναυλία, seu u- cto l. quod cantus ille, nec ui ferri,
nius tibiae tristi cantu, hominum, ad nec clandestinis ueneni insidiis, ali-
funus conuenientium, animos ad moe- quem mortuum fuisse, indicio fue-
rorem, et lacrymas commouerent. rit, reperias, sed, cum nulla ueterum
m) in not. ad h. l. n) Plures equi- autoritate nitantur, ipsas omit-
dem coniecturas, in Kirchmanni tam. o) in Harmon. Euangel. T. I.
Lib. II, de funere Roman, C. 4, p. m. p) cit. l. q) Originem huius uo-

mortui causa, quod nenias Romani appellabant (r), conductas, referunt. Quamuis equidem non negem, istiusmodi mulieres, et Hebraeis ueteribus (s) perinde, ac recentioribus (t), Graecis item (u), Romanis (x), coniunctissimas fuisse usu,

cis ostendit Festus Pompeius Lib. 20, praeficae dicuntur, mulieres ad lamentandum conductae, quare dant ceteris modum plangendi, quasi in hoc ipsum praefectae. r) Cantus lugubres antiqui Romani nenias appellarunt, unde Festus nominato l. Nenia est carmen, quod in funere landandi gratia, cantatur ad tibiam, et Diomedes Grammaticus, Apud Romanos id carmen, quod cum lamentatione, extremum atque ultimum mortuo canitur, nenia dicitur. s) Tales nominantur Ierem. IX, 16, המקוננות lamentatrices, v. 17, החכמות eruditae, sapientes, speciatim artificio lamentationes, siue tibiis, faciendi, ciendi, quemadmodum mulier illa Thekoa, a Ioabo ad plangendum conducta fuit, et 2. Paralip. XXXV, 25, בקינות השרות, cantatrices lamentorum, super Iosia, quarum carmina passim in diuino codice occurrunt. t) Harum meminit Maimonides Hilch. Ebbel. cap. 12, §. 1. החספר כבוד המת הוא לפיכך כופין את הורשין ליתן שכר מקוננים והמקוננות וסופרין אותו ואם צוה שלא יספרוהו אין סופרין אותו. אבל אם צוה שלא יקבר אין שומעין לו. שהקבורה מצוה שנאמר כי קבור הקברנו: Planctus de mortuo est honorificus,

quapropter adiguntur heredes, ut mercedem soluant lamentatoribus, et lamentatricibus, plangentque ipsum. Et si praeceperit, ne ipsum plangent, planctum quoque intermittunt. Verum, si praeceperit (moribundus) ne se sepeliant, non obediunt ipsi, eo quod mandato iniuncta sit sepultura, quando (Deut. XXI, 13,) dicitur, sepeliendo, sepelias ipsum. u) Carmen enim, a praeficis, apud Graecos, cantatum, dicitur ὀλοφύρμος, teste Athenaeo Lib. 14, Dipnos. c. 3, p. 19. Ἡ δ' ἐπὶ τοῖς θανάτοις καὶ λώπαις ὠδή, ὀλοφύρμος καλεῖται. Fanebres, et quae in aduersis rebus, ac molestiis canuntur, lamentationes, et questum uocant. Et ἰάλεμος, uti ex eodem constat cit. l. Αἰριοφάνης δ' ἐν Ἀττικαῖς φησὶ λέξεσιν ἰμαῖον ὠδὴ μυλωθρῶν, ἐν δὲ γάμοις ὑμέναιος, ἐν δὲ πείθεισιν ἰάλεμον, i. e. Aristophanes in Atticis dictionibus scribit, Hinaeam cantionem esse molitorum, Hymenaeum nuptialem, lugubrem Ialemon. conf. Euripides in Troad. Act. 3, ubi haec leguntur,

Οἶον, ἰάλεμον, οἷα τε πένθη,
δακρύα τ' ἐκ δακρύων καταλείβεται
Ἡμετέροισι δόμοισι. i. e.
Qualis planctus, qualisque luctus,
Lacrymaeque manant ex lacrymis
Nostris aedibus.

x) Quod confirmat Lucilius Sat. 22,
- - - - - mercede quae

usu, easdem tamen, duabus illis uocibus Graecis designari, Erasmi Schmidii(y), et Mart. Geieri(z) uestigiis, dubito uehementer.

§ IIX

Θορυβῆν, neque in sacris, neque in profanis scriptoribus, de tali, qualis praeficarum est, lamentatione, usurpatur, sed ubicunque harum fit mentio, θρηνοῦσαι(a), εἰδότες θρήνων(b), θρηνητεῖα(c), θρηνώδεις(d), nunquam ὄχλος θορυβοῦμεν, nominantur.

§ IX

Vis τοῦ Θορυβῆν tanta est, ut praeficarum longe superet luctum atque planctum, cuius non tantum monumenta diuinitus exarata(e), uerum etiam profana(f), locis circiter innumerabilibus, me certiores faciunt, confirmantque, τὸν ὄχλον θορυβοῦμενον hic ad cognatos et finitimos, clangore tibiarum funebrium, ad exequias parandas, in domo Iairi conuenientes, obstrepentesque negotiis, satis commode, apteque accommodari posse.

§ X

Tandem illis, quae de αὐληταῖς, seu tibicinibus in funere adhibitis, pro ingenii et temporis ratione, meditari cum animo statutum habui, ad finem perductis, infimas summo Numini gratias persolvo, meque beneuoli lectoris fauori commendo.

Conductae flent, alieno in funere, praeficae.	funere adornando, alii aliis apparandis, satagendo occupati fuerunt.
Multo et capillos scindunt, et clamant magis.	z) dicto l. p. 54, cum Schmidio consentit. a) Ier. IX, 16. in LXX. Interpretum conuersione. b) Amos V, 16, et 2. Sam. XIV, 2. c) apud Theophylactum Epist. 12. d) apud Herodianum. e) Matt. XXVI, 5, Marc. V, 38, XIV, 2, Act. XVII, 5, XXIV, 18. Nahum II, 3, Iud. III, 26, ubi τὸ θορυβῆν tumultum ac strepitum magnum, uel factum, uel impeditum, notat. f) conf. Scapulae Lex. Graeco-Lat. sub uoce θορυβος.
Plautus in Trucul. Lib. 2, Sc. 6, v. 14, Sine uirtute argutum ciuem habeam pro praefica,	
Quae alios collaudat, eapsc se uero non potest.	
Cicero cit. l., Horatius, alii. y) in Annotat. ad l. l. p. 171, per ὄχλον θορυβοῦμενον cognatos et domesticos intelligit, quorum alii lauando caducre, alii eodem induendo, alii	